


# Kawn Aux Sidaing Lhak

My son is smart



Wa, Parauk



Kawn Aux Sidaing Lhak

My son is smart

Cao Tiem Lih : A Shiex

Cao Pawd Riieng : A Shiex

Lox Lai Shiao : Lai Vax

Teei Khaing : Lai Been Akha

Cao Toe lih : Sai Rong Khun

Bawg Plih Lih : Bawg (1)

Khix Num : 9 / 2021

Author : Ah She

Illustrator : Ah She

Original Language : Akha

Translated Language : Wa

Translator : Sai Rong Khun


Edition : First Print

Date : Sep / 2021


Wa, Parauk  
Myanmar

Copyright © 2021, Literature Department Of WBC, SIL


For permission to reuse, contact the copyright holder.



Tix bawg, koe pui pa koe pingnya  
tix kaux pa cheung ka simin pa mawh  
Sam Pao heue. Mawh kheu kied sidaing  
mhawm dong nawh phan lih grawng ceu  
patix angah, nawh chix keud chix sawn  
mhawm heue. Mawh kheu nan pui yaong  
khankix yaog min kah nawh heue.



Mawh kheu chix keud mai chix  
simin Sam Pao, simiang kieh yaog nawh  
mawh pui pa tawx daux krax heue.




Sam Pao nawh koe kawn simex pa  
jiet mhawm ti moh tix kaux, pa kaux Ai  
Ka heue. Ai Ka an nawh chix hu vhi daux  
yaong jah bah riang praix tom hoek plak  
bo heue.




Tix ngaix, yam hu Ai Ka vhi daux  
yaong Tax krawx kok Ai Ka hoek ka nyiex  
tix heue. Nawh giex khri mai mau daux  
taix tix, tix ceu tix plak mai chawk Ai Ka  
mawh patix pa nie ting ngawh jum heue.  
Ai Ka laug ti teei mau mai viex ing ka  
nyiex heue.







Viang Tax krawx kieh Ai Ka laug  
khri mai mau ku ngaix, mawh kheu laug  
Ai Ka mau ing ku ngaix nawh nyiah mai  
kok Ai Ka mawh pui deux heue.




Tix ngaix, Tax krawx kok ka Sam Pao mai ah nin "Maix jiet lhak ngie, phan mawh kawn maix sidaing deux heue. Nawh ang tawng mau mai khri mawh pa yuh ka mawx pa ting jum. Phan maix ang yum rhawm maix hu chawk maix yaox."




Yam mhong Sam Pao lox Tax krawx dom mawx dom an nawh ing ka nyiex mai chawk ka kawn tix "Ai Ka, keeing koe lox chawk ka maix, mau mai khri mawh pa yuh ka mawx pa ting jum." Yam an Ai Ka deeh pawk lox keeing tix "Mawh khri pa ting jum" nawh baox ah "Aux krai mau mawh pa ting jum ka tax krawx" nan ka keeing nawh heue.



Ai Ka ah nin "Keeing hoek aux jhi maix yaox" mai kok keeing tix laig daux lawg it tix mai paoh keeing tix yaox teug pa naog mau daux kao mu, keeing nawh daox deng mai yaox mau naog daux teug ankix heue.



Ai Ka baox ah "Keeing, Tax krawx kieh aux laug khri mai mau ku ngaix, mawh kheu teei aux mau ngie Tax krawx mai kuad tix blah kix nyiah mai kok aux mawh pui deux."



Ai Ka deeh ah "Jah singaix kieh Tax krawx aux laug khri mai mau, phan aux laug khri aux ap ti ang lai yaox laug ngaix khaix. Mawh kheu nan, aux yuh ti ang tawng mai laug mau ku ngaix, jao an mau tom naog daux teug inkix." Yam an Tax Sam Pao ah nin "Kawn aux Ai Ka kawx sidaing lhak tete heue."



